

唐  
音  
統  
籤

丁籤七十六王建之十

唐音統籤卷

三百五十三

七言絕句

宮詞一百首

歐陽詩話云建宮詞百首多言唐葉中事皆史傳小說所不載

者杜工見於其詩

蓬萊正殿壓金

一作雲

鰐紅日初生碧海濤開著五

門遙北望柘黃新帕御床高

殿前傳點各依班召對西來八詔蠻上得青花龍

尾道側身偷覩正南山

籠烟日氣

一作暖

紫瞳日宣政門當玉殿風五刻閣

前卿相出下簾聲在半人中

白玉憲中起草臣櫻桃初出賜嘗新  
殿頭傳語金階遠只進詞來謝聖人

內人對御疊花牋繡坐移來玉案邊  
紅蠟光中呈皐本平明御出閣門宣

千牛仗下放朝初玉案傍邊立起居  
每日請來金

鳳紙殿頭無事不多

一作書

未明開着九重關金画黃龍五色幡  
直到

一作宣至銀

臺排仗合聖人三殿冊西番

少年天子重邊功親到凌烟畫閣中  
教覓勲臣寫圖本長時殿裏作屏風

丹鳳樓門把火開五雲金輅下天來  
堦前走馬人宣慰天子南郊一宿回

樓前立仗看宣赦萬歲聲長再拜齊  
日照彩盤高百尺飛仙爭上取金雞

集賢殿裏圖書滿點勘頭邊御印同  
真跡進來依字數別收鎖在玉函中

秘殿清齋刻漏長紫微宮女夜焚香  
拜陵日近公卿發鹵簿分頭入太常

新調白馬拍

一作怕

鞭聲供奉騎來逸殿行為報諸

王侵早入隔門催進打毬名

對御難爭第一等殿前不打背身球內人唱好龜

茲急天子鞘回

一作觀興

過玉樓

新衫一樣殿頭黃銀帶排方獼尾長總把金鞭騎

御馬綠鬃紅額麝香香

一作州香

羅衫葉上綉重金鳳銀鵝各一叢每遍舞頭

一作

時分兩句

一作句

太平萬歲字當中

魚藻宮中鎖翠娥先皇行處不曾過如今池底休

鋪錦菱角雞頭積漸多

殿前明日中和節連夜瓊林散舞衣傳報所司分

蠟燭盪開

一作門

金鎖放人歸

五更三點索金車盡放宮人出看花  
伏下一時催立馬殿頭先報御園家

城東北面望雲樓半下珠簾半上鉤  
騎馬行人長遠過恐防天子在樓頭

射生宮女宿紅粧請得新弓各自張  
臨上馬時齊賜酒男兒跪拜謝君王

新秋白兔大於拳紅耳霜毛起草眠  
天子不教人射殺玉鞭遮到馬蹄前

內鴈籠脫解紅條闌勝爭飛出手高  
直上碧雲還却下一隻金爪菊花毛

競渡船頭掉綵旗西邊潑水濕羅衣池東爭向池  
西去先到先書上字歸

燈前飛入玉堦蟲未卧常聞半夜鐘  
看著中元齋日到白盤金線繡真容

一時起立吹簫管得寵人來滿殿迎  
整頓衣裳皆著却舞頭當拍第三聲

琵琶先抹六么頭小管丁寧側調愁  
半夜美人雙唱起一聲、出鳳凰樓

春池日暖少風波花裏牽船水上歌  
遙索劍南新樣錦東宮先釣得魚多

十三初學磬磬復弟子名中被黜留昨日教坊新  
進入並房宮女與梳頭

紅蠻捍撥帖胸前移坐當頭近御筵用力獨彈金  
殿響鸞皇飛下四條絃

春風吹雨洒旗竿

一作吹展  
信旗竿

得出深宮不怕寒誇

道自家能上馬團中橫過覓人看

粟金腰帶象

一作碧

牙雖散掃紅翎玉窠枝旋獵一

邊還引馬歸來花鴨遶鞍垂

雲駮花聽各試行一般毛色一般纓殿前來往重

騎過欲得君王別賜名



每夜停燈慰御衣銀燵籠底火霏々遙聽帳裏君

王覺上直一作鐘聲始得歸

因喫櫻桃病放歸三年著破一作舊羅衣內中人

識從來去一作內中侍結得金花上貴妃

欲迎天子看花去下得金階却悔行恐見失恩人

舊院回來憶著五絃聲

往來舊院不堪修教近宣徽別起樓閣有美人新

進入一作六宮未見一時愁一作宮中誰

自誇歌舞勝諸人恨未承恩一作出內頻連夜

宮中修別院地衣簾額一時新

悶來無處可思量旋下金堦旋下床收得山丹紅

蘼粉窻中洗却

一作鏡前洗却

麝香黃

合暗報來門鎖了夜深應別喚笙歌房下着珠簾睡月過金堦白露多

御厨不食索時新每見花開即苦春白日卧多嬌

似病隔簾

秋

叫喚女醫人

叢上洗手逸金盆旋拭紅巾入殿門衆裏遙拋金

橘

一作新橘

子在前收得便承恩

御池水色春來好處分流白玉渠密奏君王知

入月喚人相伴洗裙裾

移來女樂部頭邊新賜花檀大

一作木

五絃綆得紅

羅手帕子中心更

一作細

畫一隻蟬

新晴草色綠溫暾山色初消水漸渾今日踏青歸

校晚傳聲留著望春門

新樓兩換珠簾額中尉明朝設內家一樣金盤五

千面紅酥點出牡丹花

盡送春來

一作球

出內家記巡傳把一枝花散時各

自燒紅燭相逐行歸不上車

家常愛著舊衣裳空插紅梳不作粧忽地下墜裙

帶解非時應得見君王

別勅教歌不出房一聲一遍奏君王再三博士留  
殘拍索向宣徽作徽章

私縫黃帔捨釵梳欲得金仙觀內居近被君王知  
識字收來案上檢文書

侍中第一爭先舞博士傍邊亦被欺忽覺管絃偷  
破拍急翻羅袖不教知

日冷天晴近臘時玉階金瓦雪漸、浴堂門外抄  
名入公主家人謝面脂

未承恩澤一家愁乍到宮中憶外頭新學管絃聲  
尚滿側商調哀唱伊州

東風潑火

一作晴

雨新休。昇盡春泥。掃雪薄走馬犢。

車當御路。漢陽公主。謝雞毬。

風簾水閣。壓芙蓉。四面鉤欄。在水中。避熱不歸金

殿。宿秋河。織女夜粧。

一作燈紅

聖人生日。明朝是。私地先須。屬內監。自寫金花紅

膀子。前頭先進鳳皇衫。

避暑昭陽。不擲盧井邊。含水噴鵝雛。內中數日無

呼喚。搦得滕王蛺蝶圖。

內宴初秋。入二更。殿前燈火一天明。中宮傳旨。音

聲散。諸院門開。觸處行。

玉蟬金雀三層插翠髻高叢綠鬢虛舞處春風吹  
落地歸來別賜一頭梳

樹葉初成爲護窠石榴花裏笑聲多衆中遺却金

釵子拾得從他要贖麼

一作要  
賞羅

小殿初成粉未乾貴妃姊妹自來看爲逢好日先

移入續向街西索牡丹

內人相續報花開准擬君玉便看來縫著五絃琴

繡袋宜春院裏按歌回

巡吹慢遍不相和暗教看誰曲校多明日梨園花

一作梨園裏見先須逐得內家歌

黃金合裏盛紅雪重結香羅四出花一一傍邊書  
勅字中官送與大臣家

未明東上閣門開排仗聲從後殿來阿監兩邊相  
對立遙聞索馬一時回

宮人拍手笑相呼不識庭前掃地夫乞與金錢爭  
借問外頭還似此間無

小隨阿姊一作不隨阿姊學吹笙好見君王乞賜名夜拂

玉床朝把鏡黃金堦下不教行

日高殿裏有香烟萬歲聲長動九天妃子院中初

降誕內人多乞一作分得洗兒錢

殿前鋪設兩邊樓寒食宮人步打毬一半走來爭  
跪拜上棚先謝得頭籌

大儀前日暖房來囑向昭陽乞藥裁勅賜一窠紅  
躑躅謝恩未了春花開

御前新賜紫羅襦不下金階上軟輿宮局總來為  
喜樂院中新拜內尚書

鸚鵡誰教轉舌關內人手裏養來姦語多更覺承  
恩澤數對君王憶隴山

分明閒坐賭櫻桃收却投壺玉腕勞各把沉香爇  
陸子局中關累阿誰高



禁寺紅樓內裏通笙歌引駕夾城東裏頭宮監堂  
前立手把牙鞘竹彈弓

春風院。落花堆金鎖生衣掣不開更築歌臺起  
粧殿明朝先進畫圖來

舞來汗濕羅衣徹樓上人扶下玉梯歸到院中重

洗面金盆水裏潑銀

一作泥

宿粧殘粉未明天總在昭陽花樹邊寒食內人長  
白打庫中先散與金錢

衆中愛得君王笑偷把金箱筆硯開書破紅蠻隔

子上旋推當直美

一作人來

教適宮娥唱過

一作盡

詞暗中頭白沒人知樓中日

日歌聲好不問從初學阿誰

青樓小婦研裙長總被抄名入教坊春設殿前多

隊舞棚頭各別請衣裳

艾心芹葉初生小祇聞時新不聞花

一作水中芹葉土中花拾

得還將總待大家般教盡袖中拈出鬱金牙

玉簫改調箏移柱催換紅羅繡舞筵未戴柘枝花

帽子西行宮監在簾前

牕戶院相當總有珠簾玳瑁床難道君王不

來宿帳中長是炷牙香

兩入珠簾滿殿涼  
避風新出玉盆湯  
內人恐要秋  
衣著不住煙籠換好香

金吾除夜進儺名  
畫袴珠衣四隊行  
院燒燈如  
白日沉香火底坐吹笙

樹頭樹底覓殘紅  
一片西飛一片東  
自是桃花貪  
結子錯教人恨五更風

金殿當頭紫閣重  
仙人掌上玉芙蓉  
太平天子朝  
元日五色雲中駕六龍

宮花不共外邊同  
正月長生一朶紅  
供御櫻桃看  
守別直無鷓鴣到園中

建宮詞百本集及唐紀事  
萬首絕句互有異同以上

八首則三編

所並載者

紅燈睡裏喚春雲月上三更直宿分金砌雨來行

步滑兩人攢起隱花裙

本集有萬首紀事無

蜂鬚蟬翅薄鬆々浮動搔頭似有風一度出時拋

一遍金條零落滿函中

本集萬首有紀事無

步行送入長門裏不許來辭舊院花只恐他時身

到此乞求恩赦放還家

以下二首本集無萬首紀事有

繡羅不著索輕繡對面教人染褪紅衫子成來一

遍出今朝看處在園中

後宮上女無多少起得園中笑一團舞蝶落花相

看着春風共語亦應難

本集萬首無紀事有

忽地金輿向月陂內人接著便相隨却回龍武軍

前過當處一作感教開一作看卧鴨池一作兒以下六首並萬首絕句

暮來睡困不梳頭懶逐君王苑北遊暫向玉花階

上坐簸錢贏得兩三籌

彈棋玉指西參差背局臨虛闕著危先打角頭紅

子落上三金字半邊垂

宛轉黃金白柄長青荷葉子画鴛鴦把來不是呈

新樣欲進微風到御床

供御香房加減頻水沈山麝每回新內中不許相

傳出已被鑿家馮興人

藥童食後送雲漿高殿無風扇小涼每到日中重

涼髮衣騎馬逸宮廊

此亦見省退錄

画作天河刻作半玉梭金鑷綵橋頭每年宮女穿

厨夜初賜諸親乞巧樓

揚升菴補一作升菴思

諸

按建宮詞百首漁隱叢話升菴詩話補遺並云

中有他人詞雜入者今合本集及萬首唐人純

句唐詩紀事三編百首而贏其十更取他集披

之如奉帚平明金殿開王少伯詩也日晩長秋

簾外報日耿西陵松栢枝劉夢得詩也日晩長秋

衣夢不成白樂天詩也延英引對碧衣郎元微

之詩也新鷹初放兔初肥黃金捍撥紫攬槽張

文昌詩也銀燭秋光冷画屏聞吹玉殿昭華管

杜牧之詩也宛央瓦上簷然声蜀宮李王等詩

也恰共十首與所藏者合因前刪去而存其間

同者完百  
首之舊

句

單于不向南牧馬席箕遍滿天山下

咏席箕簾韵  
角羣玉 同

陽雅俎云席箕一名寒蘆生胡  
地古詩名有千里席箕草之句卻公不易勝莫著

外家欺

事文類聚

錦江詩弟子時寄五花牋

以下見海  
僻事

花燒落第眼兩破到家程一朝金鳳庭前下當

是虛皇詔沈曦宣州四面水茫茫草蓋江城竹

夾牆

方輿  
勝覽

丁籤七十七

唐音統籤卷

三百五十四

孟郊字東野湖州武康人少隱嵩山性孤介寡合  
為詩清奇僻苦有理致韓愈一見為忘形交與之  
唱和盛推之年五十得進士第調溧陽尉縣有投  
金瀨平陵城林薄蒙翳下有積水郊間往來水傍  
裴回賦詩而曹務多廢令白府以假尉代之分其  
半奉鄭餘慶為東都留守署水陸轉運判官餘慶  
轉興元奏為叅謀之官道卒年六十四張籍謚曰  
貞曜先生集十卷唐東志同 韓愈云郊色夷氣  
清可畏而親及其為詩劇目鉢  
心刃連綖解鈎章棘句摘撰胃腎神施鬼設間見  
層出 李翱云郊詩高履在古無上平處猶下顧



沈謝隱居詩詔云却詩寒適窮僻琢削不暇真  
苦吟而成親嚴滄浪云却詩刻苦讀之令人不  
欲世有却寒島瘦之目却集宋欲求重編者世  
稱為完書詩五百十一篇分其類為十三不分  
體景定中武康今同材重破有評今分體仍  
以類為次國令評及劉辰翁評可採者并附

### 五言古詩一

巫山高

以下樂府

見盡數萬里不聞三聲猿但飛蕭蕭雨中有亭亭  
魂千載楚襄恨遺文宋玉言至今晴明天一作青  
冥裏  
雲結溪閨門

空城雀

一雀入官倉所食寧損我祇慮往覆頻言倉終害

爾魚網不在天鳥羅不張水飲啄要自然可以空  
城裡

出東門

餓馬骨亦聳獨驅出東門少年一日程衰叟十日  
奔寒景不我為疾走落平原眇然荒草行恐懼夜  
魄翻一生自組織午首大雅言道路如抽蚕宛轉  
羈腸繁

長安道

胡風激秦樹賤子風中泣家。朱門開得見不可  
入長安十二衢投樹鳥亦急高閣何人家笙簧正

喧吸

折楊柳

楊柳多短枝短枝多別離贈遠屢攀折柔條安得  
垂青春有定節離別無定時但恐人別促不怨來  
遲莫言短枝條中有長相思來顏與綠楊併在  
別離期

車遙遙

路喜到江盡江上又通舟車兩無阻何處不得  
遊丈夫四方志女子安可留卽自別日言無今生  
遠愁旅雁忽叫月斷猿寒啼秋此夕夢君夢君在

百城樓寄淚無回波寄恨無回轉願為取者乎與  
卽迴馬頭

古樂府雜怨三首

憶人莫至悲至悲空自哀寄人莫剪衣剪衣未必  
歸朝為雙蒂花暮為四散飛花落却遠樹遊子不  
顧期

天桃花清晨遊女紅粉新天桃花薄暮遊女紅粉  
故樹有百年花人無一定顏花送入老盡人悲花  
自閒

貧女鏡不明寒花日少容暗蛩有虛織短線無長

楚辭集卷之四  
縫浪水不可照狂夫不可從浪水多散影狂夫多  
異蹤持此一生薄空成萬一作恨濃

楚怨

秋入楚江水獨照詞羅魂手把綠荷泣意愁珠淚  
翻九門不可入一犬吠千門

湘絃怨

昧者理芳草蒿蘭同一鋤狂一作騷怨一作秋林

曲直同一枯嘉木忌深蠹哲人悲巧誣靈均入迴

流靳尚為良謨我願分衆衆清濁各異渠我願分  
衆衆衆鸞相遠居此志諒難保此情竟何如湘絃

少知音孤響空踟躕

楚竹吟酬盧虔端公見和湘絃怨

握中有新聲楚竹人未聞識音者謂誰清一作夜

吹贈君昔為瀟湘引曾動瀟湘雲一叫鳳改聽一作

聽再驚鶴失群江花匪秋落山日常盡曛衆濁響

雜背孤清思氤氲欲知怨有一作形願向明月分

一掬靈均淚千年湘水文

征婦怨四首

良人昨日去明月又不圓別時各有淚零落青樓

前

君淚濡羅巾妾淚滿路塵羅巾長在手今得隨妾

身路塵如得風得上君車輪

國云塵綿之極

漁陽千里道近如中門限中門踰有時漁陽長在

眼

生在綠

一作綠

羅下不識漁陽道良人自成來夜

夢中到

### 傷哉行

衆毒蔓貞松一枝難久榮豈知黃庭客仙骨生不  
成春色捨芳蕙秋風遠枯莖彈琴不成曲始覺知  
音傾館月改攝照弔賓寫餘情還舟望江上波浪

送銘旌

羽林行

朔雪寒新指朔風  
勁裂冰胡中射鵬者此日猶不  
能翻羽林兒錦臂飛蒼鷹揮鞭快白馬走出黃  
河凌

遊俠行

壯士性剛決火中見石裂殺人  
不迴頭輕生如鬻  
別豈知眼有淚肯白頭上髮  
半生無恩酬劍閣一  
百月

塘下行



塘邊日欲斜  
年少早還家  
徒將白羽扇  
調弄木蘭花  
不是城頭樹  
那栖來去鴉

長安羈旅行

十日一理髮  
每梳飛旅塵  
三旬九過飲  
每食唯攜貧  
萬物皆及時  
獨余不覺春  
失名誰肯訪  
得意爭相親  
直木有恬翼  
靜流無躁鱗  
始知喧競場  
莫處君子身  
野策藤竹輕  
山蔬薇蕨新  
潛歆歸去來  
事外風景真

灞上輕薄行

長安無緩步  
况值天景暮  
相逢灞澨間  
親戚不相

顧自嘆方拙身忽隨輕薄倫常恐失所避化為車  
轍塵此中生白髮疾走亦未歇

山老吟

不行山下地唯種山上田腰斧斫旅松手瓢汲家  
泉詎知文字力莫記日月遷蟠木為我身始得全  
天年

靜女吟

艷女皆妬色靜女獨檢毀任禮耻任難嫁德不嫁  
容君子易求聘小人難自從此志誰與諒琴絃幽  
韻重

病客吟

主人夜呻吟皆入妻子心遠客

客一作子

盡呻吟徒為

蟲鳥音妻子手中病愁思不復淚僮僕手中病憂

危獨難任丈夫久漂泊神氣自然沉沉於滯疾中

何人免噦嗽大海亦有涯高山亦有岑一作憂

獨無極塵淚欲一作盈襟

猛將吟

擬贈樓蘭肉驚怒時未揚秋聲無退聲夜劍不隱

光虎隊手驅出豹篇心卷藏古今皆有言猛將出

北方

邊城吟

西城近日

水一作

天俗稟氣候偏行子獨自渴主人

仍賣泉燒烽碧雲外收馬青坡巔何處鶻突夢歸

思寄

酒一作仰眠

和丁助教塞上吟

哭雪復吟雪廣文丁夫子江南萬里寒曾未及如  
此整頓氣候誰言從生靈始無令側隱者哀々不  
能已

送遠吟

河水昏復晨河邊相送頻離盃有淚飲別柳無枝

春

國云復甚然苦

一笑忽然歛萬愁俄已新東坡興西日

不惜遠行人

遊子吟

自注連母深上作

慈母手中線遊子身上衣臨行密縫意恐遲

歸誰言寸草心報得三春暉

國云游子思家作古易思親作古難此直

似琴操是摹古大手

連州吟三章

春風朝夕起吹綠日溪試為連州吟淚下不可

禁連山何連連天碧岑哀猿哭花死子規裂

客心蘭芷結新佩瀟湘遺舊音怨聲能剪絃坐撫

零落琴

羽翼不自有相追力難任唯憑方寸靈獨夜萬里  
尋方尋魂飄飄南夢山嶮嶮髣髴驚魍魎悉率聞  
楓林正直被放者鬼魅無所侵賢人多安排俗士  
多虛欽孤懷吐明月衆毀鏤黃金願君保玄曜壯  
志無自沉

朝亦連州吟暮亦連州吟連州果有信一紙萬里  
心開緘白雲斷明月墮衣襟南風嘶舜瑄苦竹動  
猿音萬里愁一色瀟湘兩淫々兩劍忽相觸雙蛟  
怒浮沉關水正迴幹倒流安可禁空愁江海信驚

浪隔相尋

苦寒行

天色寒青蒼北風叫枯桑厚冰無裂文短日有冷  
光敲石不得火壯陰正奪陽調苦竟何言凍吟成  
此章

寒江吟

冬至日光白始知陰氣凝寒江波浪凍一作急千里  
無平冰飛鳥絕高羽一作樹行人皆晏興荻洲素浩  
渺碕岸漸凌礧烟舟忽自阻風帆不相索何況異  
形體信任為股肱涉江莫涉凌得意須得朋結交

非賢良誰免生愛憎凍水有再浪失飛有載騰一  
言縱醜詞萬響無善應取鑒諒不遠江水千萬層  
何當春風吹利涉吾道弘

寒地百姓吟

自注為鄭相其年居河南歲內百姓大蒙矜卹

無火炙地眠半夜皆立號冷箭何處來棘針風騷

勞

一作

霜吹破四壁苦痛不可逃高堂挺鍾飲到

曉聞烹炮寒者願為蛾燒死彼華膏

國云華膏隔可傷

華膏隔

仙羅虛逸千萬遭到頭落地死踏地為遊遨遊遨

者是誰君子為鬱陶

晚雪吟



貧富喜雪晴出門意皆饒鏡海見纖悉水天步飄  
飄一一仙子行家家塵聲銷小兒擊玉指大耄歌  
聖朝瘠氣流不盡瑞仙何夢寥始知望幸色終疑  
異禮招市井亦清潔閭閻聳嵒嵒蒼生願東顧翠  
華仍西遙天念豈薄厚宸衷多憂焦憂焦致太平  
以茲時比堯古耳有未通新詞有潛韶甘為酒伶  
摘坐耻歌女嬌選音不易言裁正逢今朝今朝前  
古文律異同一調願於堯壇中奏盡鬱抑謠

饑雪吟

饑鳥夜相啄瘡聲互悲鳴冰腸一直刀天殺無曲

情大雪壓梧桐折柴墮崢嶸安知鸞鳳巢不與衆  
鸞傾下有章災現拾遺多新事但求彼失所但誇  
此經營一作誇誕君子亦拾遺拾遺非拾名將補  
鸞鳳巢免與衆鸞并因為餓雪吟至晚竟一作意不  
平

### 黃雀吟

黃雀舞承塵倚恃主人仁主人忽不仁買彈一作爾  
身何不遠飛去蓬蒿正一作止繁新蒿粒無人爭食  
之足為珍莫覩翻車粟覩翻車有回黃雀不知言  
贈之徒殷勤

小隱吟

我飲不在醉我歡長寂然酌溪四五盞聽彈兩三絃  
鍊性靜棲白洗情淡寄玄一作塞淵號怒路傍子貪  
敗不貪全

勸善吟醉會中贈郭行餘

瘦郭有志氣相哀老龍鍾勸我少吟詩俗窄難爾  
容一口百味別况在醉會中四座正當喧片言何  
由通顧余昧時調居止多踈慵見書眼始開聞樂  
耳不聰視聽互相隔一身且莫同天疾難自醫詩  
癖將何攻見君如見書語善千萬重自悲咄々感

變作煩惱一作不可煩惱不可欺一作不可古劍澀亦雄  
國云知君方少年少年懷古風藏書桂屋脊不借  
壯語與凡輩我願拜少年師之學崇一從他笑為矯一  
善亦可宗

古別曲

山川古今路縱橫無斷絕來往天地間人皆有離  
別行衣未束帶中腸已先結不用看鏡中自知生  
白髮欲陳去留意聲向言前咽愁結填心胸范一  
若為說荒郊烟莽蒼曠野風淒切處一得相隨人  
那不如月

求仙曲

仙教生為門仙宗靜為根持心若妄求服食安足  
論鑿惑有靈藥餌真成本源自當出塵網取鳳登  
崑崙

清東曲

櫻桃花參差香雨紅霏々含笑競攀折美人濕羅  
衣采々清東曲明眸艷珪玉青巾幘上卽上下看  
不足南陽公首詞編入新樂錄

遠愁曲

颼颼何所從遺塚行來逢東西不見人哭一作向

青上松此地有時盡此哀無處容聲翻太白雲淚  
洗藍田峰水涉七八曲山一作石登千萬重願邀玄  
夜月一作是出視白日蹤

織女辭

夫是田中郎妾是田中女當年嫁得君為君桑機  
杼筋力日已疲不息意下機如何織紵素自著襪  
縷衣官家勝村路更索載桑樹

貧女詞寄從叔先輩簡

蠶一作貧女非不勤今年獨無春二月冰雪深死盡  
萬木身時令自逆行造化豈不仁仰企碧霞仙高

控滄溟雲水別勞苦場頭颼颼遊無垠

新平歌送許問

遶柳三四尺暮春

一作莫春

離別歌早迴儒士駕莫飲

土番河誰識匣

一作莫

中寶楚雲章句多

亮歌二首

一作作舜歌前篇自注賞鄭氏莊客去婢後篇題逸

爾室何不安爾孝無與齊一言應對姑一度為出  
妻往轍才晚鐘還轍及晨雞往還跡徒新狼戾竟  
獨迷娥女無禮數汚家如糞泥父母吞聲哭禽鳥  
亦為啼如何天與惡不得和鳴栖

山色挽心肝將歸盡日著村肩籃輦子野坐白髮

一作官罵弄方短、花明碎攢、瑠璃堆可掬、琴瑟饒多歡、翠韻仙窈窕、嵐漪出無端、養鑑洞庭秋、響答虛吹彈、

列女操

梧桐相待老鸞鴛、會變死貞婦、貴狗夫捨生亦如此、波濤誓不起、妾心井中水、

古離別

松山雲縹繞、萍絡水分離、雲去有歸日、水分無合時、春芳役雙眼、春色柔四支、楊柳織別愁、千條萬條綠、



離思

不寐之語片月秋稍舉孤鴻憶霜群獨鶴叫雲  
侶怨彼浮花心飄飄無定所高張繫絆帆遠過梅  
根渚迴纖別離字機聲有酸楚

古怨別

颼颼秋風生愁人怨離別含情兩相向欲語氣先  
咽心曲千萬端悲來却難說別後唯所思天涯共  
明月

怨別

一別一迴老志士白髮早在鬻易為客居貧難自

好沉憂損性靈服藥亦枯槁

劉云通遠有味

秋風遊子衣

落日行遠道君問去何之賤身難

一作寧自保

### 古結愛

心上復心上結愛務在深一度欲離

一作言

別千迴

結衣襟結妾獨守志結君早歸意始知結衣裳不  
如結心腸坐結行亦結上畫百年月

### 古薄命妾

不惜十指絃為君千萬彈常恐新聲至坐使

一作使我

故聲

一作曲

殘棄置今日悲即是昨日歡將新變故

易持故為新難青山有薜蘿淚葉長不乾空令後

代人採掇幽思攢

一作思幽蘭

去婦

君  
鏡一破不覆  
妾心  
編中  
絲  
連安知御輪士今日翻迴轅一女帝一夫安得再  
移天君聽去鶴言哀上七絳絃

古意

蕩子守邊戍佳人莫相從去來年月多苦愁改形  
容上山復下山踏草成古蹤後言採靡蕪十度一  
不逢鑒獨是明月識志唯寒松井桃始開花一見  
悲萬重人顏不再春桃色有再濃指氣入空房無

膠乍從容啓帖理針線非獨掌裁縫手持未染絲  
綉為白芙蓉芙蓉無染汚將以表心素欲寄未歸  
人當春無信去無信反增愁心緣隴頭願君如  
隴水冰鏡水還流宛々青絲線纖々白玉鈎玉鈎  
不虧缺青絲無斷絕迴還勝隻手解盡心中結

殺氣不在邊

殺氣不在邊凜然中國秋道險不在山平地有摧  
斬河南又起兵清濁俱鎖流豈唯私客艱擁滯官  
行舟况余隔晨昏去家成阻修忽然而鬢雪同是  
一曰愁獨寢夜難曉起視星漢浮涼風蕩天地日

夕聲颼颼萬物無少色  
兆人皆老憂長策苟未立  
丈夫誠可羞靈響復何事  
劍鳴思戮讐

國云  
悲壯

### 列仙文四首

大霞霏晨暉元氣無常形  
玄轡飛霄外入景乘高  
清手把玉皇袂携我晨中生  
玄庭自嘉會金書折  
華名賢女密所妍相期洛水輶

### 右方諸青童君

歛駕空清虛徘徊西華館  
瓊輪暨晨抄虎騎逐烟  
散惠風振丹旌明燭朗八煥  
解襟墉房內神鈴鳴  
璀璨栖景若林柯九絃空中彈  
遺我積世憂釋此

千載歡怡眇無極已終夜復待旦

右清虛真人

駕我八景輿歛然入玉清龍群拂霄上虎旗攝朱  
兵逍遙三絃際萬流無暫停哀此去留會劫盡天  
地傾常尋無中景不死不生體彼自然道寂觀  
合大冥南嶽挺直榦玉英曜隱精有任靡期事無  
心自虛靈嘉會絳河內相與樂朱英

右金母飛空歌

丹霞煥上清八風古太和迴我神霄輦遂造嶺玉  
阿咄嗟天地外九圍皆我家上採白日精下歛黃

月華靈觀空無中  
鵬路無間邪  
顧見魏賢安濁氣  
傷汝和勒研玄中  
思道成更相遇

右安度明

丁籤七十七孟郊之二

唐晉統籤卷  
三百五十五

五言古詩二

寓言  
以下感興

誰言碧山曲不癢青松直誰言濁水泥不汚明月  
色我有松月心俗騁風霜力貞明既如此摧折安  
可得

偶作

利劍不可近美人不可親利劍近傷手美人近傷  
身道險不在廣十步能摧輪情憂不在多一夕能

傷神

國云太  
近道理



自歎

愁與髮相形一愁白數莖有髮能幾多禁愁日日  
生古若不置兵天下無戰爭古若不置名道路無  
歌傾太行偉巍哉是天產不平黃河奔濁浪是天  
生不清四蹄日日多變輪日日成二物不在天安  
能免營營

自惜

傾盡眼中力抄詩過與人自悲風雅老悲被已行  
嘆零落雪文字分明鏡精神坐甘冰抱晚水謝酒  
懷春徒有言々舊愁無點々新始驚儒教誤漸與

佛乘親

歎命

三十年來命唯藏一卦中題詩還怨易問易蒙復  
蒙本望文字達今曰文字窮同云文入同恨影孤別離月  
衣破道路風歸去不自息耕耘成楚農

老恨

無子抄文字老吟多飄零有時吐向床枕席不解  
聽闌蟻甚微細病聞心清冷小大不自識自然天  
性靈

懊惱

惡詩皆得言好詩空抱山抱山冷疏。終日悲顏  
顏好詩更相嫉劍戟生牙閨前賢死已久猶在咀  
嚼間以我殘杪身清峭養高閑求閑未得閑衆誚  
瞋疏。

百憂

萱草女兒花不解壯士憂。國云壯士心是劍為君

射斗牛朝思除國讐。一作難暮思除國讐計盡山河

畫意窮草木籌智士日千慮愚夫唯四愁何必在

波濤然後驚。一作沉浮伯倫心不醉國云伯四皓

迹難留出處各有時衆議徒嘖。

偷詩

餓犬齧枯骨自喫餓饑涎今文與古文各各稱可  
憐亦如嬰兒食鬴枕口旋亡唯有一點味豈見逃  
景延純床獨坐爾默覽有所傳終當罷文字別  
逍遙篇從來文字淨君子不以賢

訪疾

冷氣入瘡痛夜來痛如何瘡從公怒生豈以私恨  
多公怒亦非道怒消乃天和古有煥輝句嵇康閑  
婆娑請君吟嘯之正氣庶不訛

酒德

酒是古明鏡，輾開小人心。醉見異舉止，醉聞異聲。  
音酒功如此，多酒屈亦以。溪罪人免罪，酒如此可  
為箴。

勸酒

白日無定影，清江無定波。人無百年壽，百年復如  
何。堂上陳美酒，堂下列清歌。勸君金屈卮，勿謂朱  
顏酡。松柏歲歲茂，丘陵日日多。君看終南山，千古  
青峨峨。

達士

四時如逝水，百川皆東波。青春去不還，一作白髮

歸更多達人識元氣

一作化

變愁為高歌傾產取一

醉富者奈貧何君看土中宅富貴

一作已矣

無偏頗

### 勸學

擊石乃有火不擊元無烟人學始知道不學非自然  
萬事須已運他得非我賢青春須早為豈能長  
少年

### 勸友

至白涅不緇至交淡不疑人生靜躁殊莫厭相歲  
規膠漆武可接金蘭文可思堪嗟無心人不如松

柏枝

一作青松

求友

北風臨大海堅冰臨河面下有  
大波濤對之無由見求友須在  
良得良終相善求友若非良中  
道變歎知求友心先犯黃金鍊

結交

鑄鏡須青銅青銅易磨拭結交  
遠小人小人難姑息鑄鏡圖鑑  
微結交圖相依凡銅不可照小  
人多是非

審交

種樹須擇地惡土變木根結交  
若失人半道生謗

言君子若桂性春榮冬更繁一作春榮小人槿花  
心朝在夕不存莫躡冬冰堅中有潛浪翻唯當金  
石交可以賢達論

惜苦

于鵠植諫議以絅不能言焦蒙值舍人以盃不得  
完一作官可惜大雅音意此小團錄名迴不敢辨心  
轉寔是難不惜為君轉一作非君子觀轉之復轉之  
強轉誰能歆哀哉虛轉言不可窮波瀾

擇友

獸中有人性形異遭人隔人中有獸心幾人能真



識古人形似獸皆有大聖德今人表似人獸心安  
可測雖笑未必和雖哭未必戚面結口頭交肚裏  
生荆棘好人常直道不順世間逆惡人巧諂多非  
義苟且得若是做真人堅心如鐵石不論亦不欺  
不奢復不溺面無慘色容心無詐憂惕君子大道  
人朝夕恒的圖云太  
近道理

### 隱士

木末一相迤潭潭不還真山野多餒士市井無饑  
人虎豹忌當道麋鹿知藏身奈何貪競者日與患  
害親顏貌歲々改利心朝々新孰知富生禍取富

不取寶寶玉忌出璞出璞先為塵松栢忌出山出  
山先為薪君子隱石壁道書為我隣寢興思其義  
淡泊味始真陶公自放歸尚平去有依草木擇地  
生禽鳥順性飛青々與冥々所保各不違

### 遣興

絃貞五條音

一作五音調

松直百尺心貞絃含古風直

松凌高岑浮聲與狂葩胡為欲相侵

### 感興

後心草不死去根柳亦榮獨有失意人恍然無力  
行昔為連理枝今為斷絃聲連理時所重斷絃今

所輕吾欲進孤舟三峽水不平吾欲載車馬太行  
路崢嶸萬物根一氣如何互相傾

感懷八首

秋氣悲萬物驚風振長道登高有所思寒雨傷百  
草平生有親愛零落不相保五情今已傷安得自  
能老

晨登洛陽坂日極天茫茫群物歸大化六龍顏西  
荒豺狼日已多草木日已霜饑年無遺粟衆鳥去  
空塲路傍誰家子白首離故鄉含酸望松柏仰面  
訴穹蒼去也勿復道苦飢形貌傷

徘徊不能寐。耿耿含酸辛。中夜登高樓。憶我舊星  
辰。四時互遷移。萬物何時春。唯憶首陽路。永謝當  
時人。

長安佳麗地。宮月生蛾眉。陰氣凝萬里。坐看芳草  
衰。玉堂有玄鳥。亦以從北辭。傷哉志士嘆。故國多  
遲遲。溪宮豈無樂。獲復何為朝。見名興利幕。還  
生是非一作是。姜牙佐周武。世業永巍巍。

舉才天道親。首陽誰採薇。去荒澤遠落。日當西  
歸義和。駐其輪四海。借餘暉。極目何蕭條。驚風正  
離披。鵲鳴高樹。衆鳥相因依。東方有一士。歲暮

常苦饑主人數相問脈。今何為貧。名有樂且

顧掩

一作

柴扉

陶云似陶令

火雲流素月三五何明。光曜侵白日賢愚迷至  
精四時更變化天道有虧盈常恐今已沒須臾還  
復生

河梁暮相遇草。不復言漢家正離亂王粲別荆  
蠻野澤何蕭條悲風振空山舉頭是星辰念我何  
時還親愛久別散形神各離遷未為死生訣長在  
心目間

有鳥東西來哀鳴過我前願飛浮雲外飲啄見青

天

感懷

孟冬陰氣交  
兩河正屯兵  
烟塵相馳突  
烽火日夜驚  
太行險阻高  
旄纛輸連營  
奈何擄孤者  
不使梟巢傾  
猶聞漢北兒  
怙亂謀縱橫  
擅搖干戈柄  
呼呌豺狼聲  
白日臨爾軀  
胡為喪丹誠  
豈無感激士  
以致天下平  
登高望寒原  
黃雲鬱崢嶸  
坐馳悲風暮  
歎息空沾纓

詠情

一作感寓

濁水心易已

一作已

傾明波興初發  
思逢海底人  
乞取

蚌中月此興若未諧此心終不歇

病起言懷

強行尋溪

一作淨

水洗却殘病姿花景晚晚盡來風

清冷吹交道卧來見世情貧去知高閒思楚逸淡

泊

一作淺薄

厭齊兒終伴碧山侶結言青桂枝

獨愁

一作輯愈

贈

前日遠別離今日生白髮欲知萬里情晚卧半床  
月常恐百蟲鳴使我芳草歌

夜憂

豈獨科斗死聰嗟文字捐蒿蔓轉嬌玉菱荇減嬋

娟未遂擺鱗志空思吹浪旋何當再霖雨洗濯生  
華鮮

夜感自遠

一作失志夜坐思歸  
楚江又作苦學吟

夜學晚來休苦吟神鬼愁如何不自閑心與身為  
誓死辱片時痛生辱長年羞青桂無直枝碧江思  
舊遊



丁籤七十七孟郊之三

唐音統籤卷

三百五十六

五言古詩三

春愁

春物與愁客遇時各有違  
故花辭新枝新淚落故  
衣日暮雨寂寞飄然亦同歸

春日有感

兩滴草芽出一日長一日風吹柳線垂一枝連一  
枝獨有愁人顏經春如等閑且持酒滿盃狂歌狂  
笑來

秋夕貧居述懷

卧冷無遠夢聽秋駿別情高枝低枝風千葉萬葉  
聲劉云語淺井不供飲瘦田長廢耕今交非古交貧  
語聞皆輕

秋懷十六首

孤骨夜難卧吟蟲相唧唧老泣無洋淺秋露為滴  
瀝去壯暫如翦來衰紛似織觸緒無新心叢悲有  
餘憶詎忍逐南帆江山踐往昔

秋月顏色冰去聲老客志氣單冷露滴夢破峭風梳  
骨寒席上印病文鴈中轉愁盤疑懷無所憑虛聽  
多無端梧桐枯嶺嶸聲響如哀彈

一尺月透戶，乞果如劍飛。老骨坐亦驚，病力所尚

微蟲苦貪

一作含

剪色鳥危巢，焚輝媚娥理。故絲

一作

煩孤哭

一作生

抽餘思，浮竿不可追。哀步多少歸

秋至老更貧，破屋無門扉。一片月落牀，四壁風入

衣。疎夢不復遠，弱心良易歸。商葩將去

一作老

綠縹

繞爭餘輝，野步踏事少。病謀向物違，幽草根蟲

生意與我微

竹風相戾語，幽園暗中闌。鬼神滿哀聽，恍惚難自

分。商葉隨乾雨，秋衣卧單雲。病骨可剗物，酸吟亦

成文。瘦損如此枯，壯歲隨西曛。衆一線命徒言

繫網緼

老骨憚秋月秋月刀劍疾纖揮不可干冷兔坐自  
凝羈雌巢空鏡仙颺蕩浮冰驚安恐自翻病大不  
敢凌單詠寤故：瘦卧心統：洗河不見水透濁  
為清澄詩壯昔安說詩裏今何憑  
老病多異慮朝夕非一心商蟲哭哀運繁響不可  
尋秋草瘦如髮貞芳綴冰金晚鮮詎幾時馳景還  
易陰弱習徒自耻暮知欲何任露才一見諍潛智  
早已深防深不防露此意古所箴  
歲暮景氣乾秋風兵甲聲纖々勞無永要々徒自

鳴商聲傳中夜蹇蹇廢前行青髮如秋園一翦不  
復生少年如餓花瞥見不復明君子山嶽定小人  
絲毫爭多爭多無壽天道戒其盈

冷霧多瘁索枯風晚吹嘯秋深月清苦蟲老聲粗  
踈顏珠枝繁一作零落生與我心何如

春餘自悲

悲一作零

落生與我心何如

老人朝夕異生死每日中坐隨一啜安卧興萬景  
空視短不到門聽澀詎逐風還如刻削形免有纖  
悉醜浪謝初始皎幸歸終孤隔文章友親密  
蒿萊翁

歲綠閨以黃秋節送已

一作

窮四時既相迫萬慮

自然叢南逸浩淼際北貧  
硤确中曩懷沉遙江衰  
思結秋蓬鋤食難滿腹  
葉衣多醜躬塵縷不自整  
古今將誰通幽竹嘯鬼神  
楚鐵生亂龍志士多異  
感運鬱由邪裏常思書破  
衣至死教初童習樂莫  
習聲習聲多頑聾明  
胸中言願寫為高崇

幽苦日甚老力步微常恐暫下冰至門不復

歸餓者重一食寒者重一衣泛廣豈無淚恣行

有隨

一作  
隨時

語中失次第身外生瘡癢桂蠹既潛汚

一作

初

桂花損貞姿誓言一失香千古聞臭詞將死

始前悔前悔不可追  
哀哉輕薄行終日與駟馳一作

欲驅馳

流運閔歎盡枯折皆相踣  
棘枝風哭酸桐葉霜顏

高老蟲乾鐵鳴驚獸孤玉咆  
商氣洗一作滿聲瘦晚

陰驅景勞集耳不可遏  
噓神不可逃蹇行散餘鬱

幽坐誰與曹抽壯無一線  
剪懷盈千刀清詩既名

眇一作詩清金菊亦姓陶  
收拾昔所棄咨嗟今比

毛一作幽歲晏言零落不可操

霜氣入病骨老人身生冰  
衰毛暗相刺冷痛不可

勝驚一作伸至明強一作攬  
所憑瘦坐形欲折腹餓心

將崩勸藥左右愚言語如見憎聾耳噎神開

一作聾噎

神氣

始知功用

一作者

能目中視餘瘡暗鑠

一作鑠

聞

繩

一作細

蠅彼蠱

一何酷此味半點凝潛毒爾無獸

餘生我推粉凍飛幸不遠冬令反心憊出沒各有

時寒熟苦

一作莫

相凌仰謝調運翁請命願有徵

黃河倒上天象水有却來人心不及水一直去不

迴一直名有巧不肯至蓬萊一直不知疲唯聞至

省臺忍古不失古失古志易摧失古劍亦折失古

琴亦哀夫子失古淚當時落淮詩老失古心至

今寒皚古骨無濁肉古衣無繡苦勸君勉忍古



忍古銷塵埃

詈言

一作詈

不見血殺人何紛々聲如窮家犬吠竇

何闇々詈痛幽鬼哭詈侵黃金貧言詞豈用多慙

悴在一聞古詈言不死至今書云云今人詠古書

善惡宜自分秦火不焚古秦火空焚文所以詈更

生至今橫綢繆

暮秋感思二首

西風吹垂楊條々脆如藕上有噪日蟬催人成皓

首亦恐旅步難何獨來顏醜

一作

欲慰一時心莫

如千日酒

優哉遵渚鴻自得養身肯不啄太倉粟不飲芳塘  
水振羽攬浮雲置羅任徒爾

冬日

老人行人事百一不及周凍馬四蹄吃陟卓難自  
收短景玄飛過午光不上頭少壯日與輝衰老日  
與愁日愁疑在日歲箭迸如響萬事有何味一生  
虛白因不知文字利到死空遡遡

退居

一作老退

退身何所食一作何食可敗力不能一作得閑種稻耕白  
水負薪砍青山衆聽喜巴唱獨醒愁楚顏日暮靜

歸時幽々扣松關

北郭貧居

進乏廣莫力退為蒙籠居三年失意歸四向相識  
疎地僻草木吐荒條扶我廬夜貧燈燭絕明月照  
我書欲識貞靜操秋蟬飲清虛

立德新居十首

立德何亭々西南聳高陽陽崖浚春意井園留冬  
燕勝引即紆道幽行豈通衢碧峰遠相揖清思誰  
言孤寺秩雖貴家濁醪良可鋪

聳城架霽漢潔宅涵網緇開門洛北岸時鎖嵩陽

雲夜高星辰大晝長天地分厚韻屬疎語薄名謝  
囂聞茲焉有殊隔永矣難及群

賓秩已覺厚私儲常恐多清貧聊自爾素業將如  
何儉教先勉力修祿無餘它良棲一枝木靈巢片  
葉荷仰咲鷗鵬輩委身拂天波

疎門不掩水洛邑寒更高晚碧流視聽夕清濯衣  
袍為於仁義得一作但立仁美德未覺登陟勞遠岸雪難

暮一作盡勁枝風易號霜禽各嘯侶吾亦愛吾曹

崎嶇有懸步委曲旣荒尋遠樹足良木疎巢無爭  
禽素晷銜夕岸綠水生晚潯空曠伊洛視髣髴滿

湘心何必尚遠異憂勞滿行襟

懸迹多牙足崎圉無修畦芳蘭與宿艾手擷心不  
迷品子懶讀書轅駒難服犂虐食日相投夸錫詎  
能低耻從新學游碩將古農齊

都城多聳秀愛此高懸居但雄逸街巷鴛鴦飛閣  
閣翠景何的礫霜颼颼空虛突出萬家表獨治二  
畝蔬一作餘一句一手版十日九手鋤

手鋤手自勗激勸亦已饒畏彼梨栗兒空資玩弄  
驕夜景卧難盡畫光坐易消治舊得新義耕荒生  
嘉苗鋤治苟惟遠心形俱逍遙

玉蹄裂鳴水金綬忽照門拂拭賓士席拜候丞相  
韓德跡未為高禮至方覺尊豈唯耀茲日可以榮  
遠孫如何一陽朝獨荷衆瑞繁

東南富水木寂寥蔽光輝此地足文字及時隘駉  
駉互雪踏為平澀行變如飛令畦生氣色嘉綠新  
霏微天意資厚養賢人肯相違自注末二章冬至  
日鄭相至門以屬  
馬意在

卧病

貧病誠可差故床無新裘一作貧病對客  
羞數盤藍傳裘春色燒  
肌膚時食苦咽喉倦寢意蒙昧強言聲幽柔承顏

自倪仰有淚不敢流  
愁續暮愁

國云便是人  
子不言苦意

默寸心中朝

湖州取解述情

雲水徒清溪照影不照心  
白鶴未輕舉衆馬爭浮  
沉因茲挂帆去遂作歸山吟

落第

曉月難為光愁人難為腸  
誰言春物榮豈見葉上

霜一作獨見  
花上霜

鵬鶚失勢病

一作飛  
失勢

鵲鵲

假一作翼  
改

翔棄置復棄置情如刀刀傷

劉云苦語  
搜索累尽

教坊歌兒

十歲小兒能歌得聞一作天六十孤老人能詩  
獨臨川去年西京寺衆伶集講筵能嘶竹枝詩供  
養繩床禪能詩不如歌帳望三百篇

忽不貧喜盧仝書船歸洛

貧孟忽不貧請問孟何如盧仝歸洛船崔嵬但載  
書江潮清翻上淮潮碧徐上夜信為朝信朝信良  
卷舒江淮君子水相送仁有餘我去官色衫肩經  
入君廬喃喃肩經即言語傾琪琚琪琚鏗好詞烏  
鵲躍庭除書船平安歸喜報鄉里問我願拾遺柴  
巢經於空虛下免塵土侵上為一作雲霞居日月



更相鎖道義分明儲不顧空岩岌但願實工夫實  
空二理微分別相起予經書荒蕪多為君勉々鋤  
勉々不敢專傳之方在諸

讀經

垂老抱佛脚教妻讀黃經々黃名小品一紙千明  
星曾讀大般若細感明響聽當時把齊中方寸抱  
萬靈忽復入長安蹴踏日月寧老方却歸來收拾  
可丁々拂拭塵几按開函就孤亭儒書難借索僧  
籤饒芳馨驛々不開手鏗々聞異鈴得善如聞香  
去惡如脫腥安得顏子耳曾來如此聽々之何有

唐音韻 卷三 五十五  
言德教貴有形何言中國外有國如海萍海萍國  
教異天聲各泠泠安排未定時心火競熒熒將如  
庶幾者聲盡形元冥

聽藍溪僧為元居士說維摩經

古樹少枝葉真僧亦相依山木自曲直道人無是  
非手持維摩偈心向居士歸空景忽開霽雪花猶  
在衣沈然水溪盡寒物生光輝

子慶詩

王家事已奇孟氏慶無涯獻子還生子義之又有  
之鳳兮且莫嘆鯉也會聞詩小兒豫章甲鐵兒玉

樹姿人來唯仰乳  
毋抱未知慈我欲  
揀其養放麀者  
是誰

借車

借車載家具  
家具少於車  
借者莫彈指  
貧窮何足嗟  
百年徒校一作後走萬事盡隨花

雪

忽然太行雪  
昨夜飛入來  
峻嶒墮庭中  
嚴白何皚皚  
奴婢曉開戶  
四肢凍徘徊  
咽言詞不成  
告訴情狀摧  
官給未入門  
家人盡以灰  
意勸莫笑雪  
笑雪貧為灾  
將暖此殘疾  
典賣爭致盃  
教令再舉手  
誇

曜餘生才強起吐巧詞委曲多新裁為爾作非夫  
忍耻蟲昭雷書之與君子庶免生嫌猜

罪松

雖為青松姿霜風何所宜二月天下樹綠於青松  
枝勿謂賢者喻勿謂愚者規伊呂代封爵夷齊終  
身饑彼曲既在斯我正實在茲湮流合渭流清濁  
各自持天令設四時榮衰有常期榮合隨時榮衰  
合隨時衰天令既不從甚不敬天時松乃不臣木  
青日獨何為

國云立論何  
奇似有所妬

哀松

近世交道衰青松落顏色人心忌孤直木性隨改  
易既摧棲日榦未展擎天力終是君子材還思君  
子識

品松

追悲謝靈運不得殊常封縱然孔與顏亦莫及此  
松此松天格高聳異千萬重孤擎巨靈手擘裂少  
室峯擘裂風雨寧孤擎指爪脯道入難抱心學生  
易墮蹤時々數點仙嫺々一線龍霏微嵐浪際遊  
戲顚興濃品松徒高々雌鳴一作語詎唯々賞異尚  
可貴賞潛誰能容名華非與實翦葉徒鐵葺刻削

大雅文所以不敢慵

觀種樹

種樹皆待春，至難久留君。看朝夕花誰免別離。  
愁心意已零落，種之仍未休。胡為好奇者，無事自  
買憂。

看花五首

家

一作如

芍藥不妨至溫柔，溫柔一同女紅笑。

笑不休，月娥雙，下楚艷枝，浮洞裏。逢仙人，一作

辛逢仙人立

綽約清宵遊。

芍藥誰為壻，人不敢來唯應待詩老。日殷勤。

開玉立無氣力春凝且徘徊將何謝青春痛飲一  
百杯

芍藥吹欲盡無奈晚風何餘花欲誰問唯待諫郎  
遇諫郎不事俗黃金買高歌高歌夜更清花意晚  
更多

飲之不見底醉倒溪紅波紅波蕩諫心諫心終無  
它獨道終難醉挈榼徒經過閑花不解語勸得酒

無多

後四句  
作絕

三年此村落春色入心悲料得一孀婦經一作時

獨淚垂

聽琴

颺々微雨收翻々橡一作桐葉明月沉亂峯西寥落

三四星前溪忽調琴隔林寒琤々聞彈正弄聲不

敢枕上聽迴燭整頭簪漱泉立中庭定步履一作履

齒溪貌禪目冥々微風吹衣襟亦認宮徵聲學道

二十年未免憂死生聞彈一夜中會盡天地情

聞砧

杜鵑聲不哀斷猿啼不切月下誰家砧一聲腸一

絕杵聲不為客々聞髮自白杵聲不為衣欲令遊

子歸

國云無心有意寫得自別